

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), a u skladu sa članom 46. stav 4. Zakona o izvršavanju Budžeta Zeničko-dobojskog kantona za 2021. godinu ("Službene novine Zeničko-dobojskog kantona", broj: 7/21), na prijedlog Ureda premijera, Vlada Zeničko-dobojskog kantona, na 114. sjednici, održanoj dana 19.07.2021. godine, d o n o s i

ZAKLJUČAK

I.

Usvaja se Polugodišnji izvještaj o utrošenim sredstvima sa razdjela 11 - Ured premijera, budžetska organizacija 01, potrošačka jedinica 0001, pozicija „Tekući transferi i drugi tekući rashodi“ Budžeta Zeničko-dobojskog kantona za 2021. godinu ("Službene novine Zeničko-dobojskog kantona", broj: 7/21) i čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/21
Datum, 19.07.2021. godine
Zenica

PREMIJER

Mirnes Bašić

DOSTAVLJENO:

1x Ured premijera,
1x Ministarstvo finansija,
1x a/a.

Bosna i Hercegovina
FEDERACIJA BOSNE I
HERCEGOVINE
ZENIČKO-DOBOJSKI KANTON
PREMIJER
Ured premijera



Bosnia and Herzegovina
FEDERATION OF BOSNIA AND
HERZEGOVINA
ZENICA-DOBOJ CANTON
PRIME MINISTER
Office of Prime minister

POLUGODIŠNJI IZVJEŠTAJ

o utrošenim sredstvima sa razdjela 11 - Ured premijera, budžetska organizacija 01, potrošačka jedinica 0001, pozicija „Tekući transferi i drugi tekući rashodi“ Budžeta Zeničko-dobojskog kantona za period 01.01. do 30.06.2021. godine

Zenica, juli 2021. godine

1. UVOD

U periodu 01.01.-31.03.2021. godine na snazi je bila Odluka o privremenom finansiranju Zeničko-dobojskog kantona („Službene novine Zeničko-dobojskog kantona“, broj: 21/20).

Budžet Zeničko-dobojskog kantona je donešen 29.03.2021. godine („Službene novine Zeničko-dobojskog kantona“, broj: 7/21) sa primjenom od 01.04.2021. godine.

Odredbom člana 23. Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21), utvrđeno je da će se sredstva na razdjelu 11, budžetska organizacija 01, potrošačka jedinica 0001, Budžeta - Ured premijera, pozicija „Tekući transferi i drugi tekući rashodi“ koristiti prema Programima utroška koje donosi Vlada Zeničko-dobojskog kantona.

U istom Zakonu u članu 46. stav 4 stoji da „(4) O utrošenim sredstvima po programima iz stava (1) ovog člana, nadležni organ uprave, odnosno upravna organizacija polugodišnje izvještava Vladu Kantona“.

U Budžetu Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21), na razdjelu 11, budžetska organizacija 01, potrošačka jedinica 0001, Ured premijera, ekonomski kod 614000, pozicija „Tekući transferi i drugi tekući rashodi“ planirana su ukupna sredstva u iznosu od 470.000,00 KM.

U cilju suzbijanja i prevencije pandemije uzrokovane korona virusom (COVID 19), Odlukom o preraspodjeli sredstava planiranih u Budžetu Zeničko-dobojskog kantona za 2021. godinu broj: 02-11-8903/21 od 22.06.2021. godine, umanjena su planirana sredstva za iznos od 200.000,00 KM za potrebe refundacije troškova nabavke lijeka Tocilizumab-Actemra koji se pokazao kao efikasan u liječenju pacijenata.

Zaključkom Vlade Zeničko-dobojskog kantona broj: 02-11-8906/21 od 22.06.2021. godine, usvojen je Program utroška finansijskih sredstava sa razdjela 11 – Ured premijera, usklađen sa Odlukom o preraspodjeli sredstava planiranih u Budžetu Zeničko-dobojskog kantona za 2021. godinu, sa vrijednostima pojedinačnih Programa čiji pregled je dat u sljedećoj tabeli:

Ekon. kod	Tekući transferi i drugi tekući rashodi	Budžet 2021.	Donacije	Ukupno
614200	1. Tekući transfer za posebno nadarene i talentovane mlade	10.000		10.000
	2. Tekući transfer pojedincima	10.000		10.000
614300	3. Tekući transfer neprofitnim organizacijama	140.000		140.000
614500	4. Subvencije za podršku medijima	110.000		110.000
Ukupno		270.000	0	270.000

2. REALIZACIJA

Po usvajanju Programa utroška finansijskih sredstava sa razdjela 11 – Ured premijera, usklađenim sa Odlukom o preraspodjeli sredstava planiranih u Budžetu Zeničko-dobojskog kantona za 2021. godinu doneseno je Uputstvo o kriterijima i postupku dodjele sredstava neprofitnim organizacijama sa pozicije Ured premijera za 2021. godinu broj: 02-02-9616/21 od 07.07.2021. godine kao i Uputstvo o kriterijima i postupku dodjele sredstava medijima sa pozicije Ured premijera za 2021. godinu broj: 02-02-9617/21 od 07.07.2021. godine te je objavljen Javni poziv za dodjelu sredstava 12.07.2021. godine u dnevnim novinama i na službenoj web stranici Kantona.

3. REALIZACIJA – PO POJEDINAČNIM TRANSFERIMA

Obzirom da je u toku Javni poziv za realizaciju Programa utroška finansijskih sredstava sa razdjela 11 – Ured premijera pregled realizacije Programa utroška finansijskih sredstava po pojedinačnim transferima prikazat ćemo u godišnjem izvještaju o utrošku sredstava.

4. ZAKLJUČAK

Ured premijera Zeničko-dobojskog kantona, tokom posmatranog perioda 01.01. – 30.06.2021. godine nije okončao realizaciju odobravanja sredstava iz Programa utroška finansijskih sredstava sa razdjela 11 – Ured premijera imajući u vidu da je u prva tri mjeseca 2021. godine bila na snazi Odluka o privremenom finansiranju te da je u cilju suzbijanja i prevencije pandemije uzrokovane korona virusom (COVID 19), Odlukom o preraspodjeli sredstava planiranih u Budžetu Zeničko-dobojskog kantona za 2021. godinu broj: 02-11-8903/21 od 22.06.2021. godine, izvršeno umanjenje planiranih sredstva za iznos od 200.000,00 KM za potrebe refundacije troškova nabavke lijeka Tocilizumab-Actemra koji se pokazao kao efikasan u liječenju pacijenata.

Imajući u vidu navedeno kao i trenutno otvoreni Javni poziv za dodjelu sredstava iz Programa utroška finansijskih sredstava, kompletan pregled realizacije Programa utroška finansijskih sredstava će biti obuhvaćen u godišnjem izvještaju utroška sredstava.

ŠEF UREDA

Dževad Fejzić